

**ХОВД АЙМГИЙН БУЯНТ СУМЫН ИРГЭДИЙН ТӨЛӨӨЛӨГЧДИЙН ХУРАЛД
БИЕ ДААН НЭР ДЭВШИГЧ МАРХАВАЙГИЙН КИСТАУВАЙН
МӨРИЙН ХӨТӨЛБӨР**

ЭРХЭМ ЗОРИЛГО

ЭЦЭГ ӨВГӨДӨӨС ӨВЛҮҮЛЭН ҮЛДЭЭСЭН БУЯНТ НУТГИЙНХАА ОЛОН ҮНДЭСТЭН, ЯСТАН ИРГЭДИЙНХЭЭ ХӨДӨЛМӨРЧ БҮТЭЭЛЧ УЛАМЖЛАЛ, ЭДИЙН ЗАСАГ, БЕЗНИСИЙН ТААТАЙ ОРЧИН БҮРДҮҮЛЖ, ҮЙЛДВЭРЛЭЛ, ҮЙЛЧИЛГЭЭ ХӨГЖСЭН, АРД ИРГЭДИЙН ҮНДЭСНИЙ УЛАМЖЛАЛТ ЁС, ЗАН ЗАНШЛЫГ ХАДГАЛЖ, ХҮНИЙ ХӨГЖЛИЙГ ХАНГАСАН СУМ БОЛНО.

Зорилт: 1 Боловсрол, соёлын талаар

1. Үндэсний өв соёлоо дээдлэх, хайрлан хамгаалах, өсвөр хойч үедээ уламжлуулах, үндэсний өв соёлоороо бахархах үзлийг иргэдэд төлөвшүүлэхэд соёл урлагын байгууллагуудтай хамтран ажиллана.
2. Олон ястаны өвөрмөц зан заншил, өв соёлыг өвлүүлэн үлдээх зорилгоор өрх бүр ургийн бичиг хөтлөх аяныг өрнүүлж ажиллана.
3. Сумын хүүхэд, залуучууд, ахмад, эмэгтэйчүүд, малчид, тариаланчдын чуулга уулзалтыг уламжлал болгон зохион байгуулна.

Зорилт: 2 Эрүүл мэндийн талаар

1. Иргэн бүр эрүүл мэндийн бүрэн оношилгоонд жил бүр заавал хамрагдах тогтолцоог бүрдүүлнэ.
2. Иргэдэд үзүүлэх эрүүл мэндийн урьдчилан сэргийлэх, эмчилгээ үйлчилгээг шаардлагын хэмжээнд хүргэн ажиллана.
3. Сумандаа “Элэг бүтэн Монгол” хөтөлбөрийг үргэлжлүүлж, “Хавдрын эсрэг хамтдаа” хөтөлбөр хэрэгжүүлнэ.
4. Иргэд идэвхтэй хөдөлгөөн хийх, уулын болон явган аялал, дугуйн спорт зэрэг нийтийн биеийн тамирын төрлүүдийг дэмжиж, хамрах хүрээг өргөжүүлнэ.

Зорилт: 3 Хөдөө аж ахуйн талаар

1. Хөдөө аж ахуйн салбарт малчид, тариаланчдын залгамж халааг бэлтгэх бодлого хэрэгжүүлнэ.
2. “Ховд агро парк” цогц төслийг хэрэгжүүлнэ.
3. Малын үүлдэр угсааг сайжруулах бодлогыг тусгайлан дэмжиж, цөм сүрэг бий болгоно.
4. Малчин өрхүүдийг хадлангийн талбайтай болгоно.
5. Усны эрэл хэрэгцээтэй байгаа газруудад гар болон инженерийн хийцтэй худаг гаргахыг дэмжинэ.



6. Ноос ноолуур, арьс, шир болон малаас гарч буй дайвар бүтээгдэхүүн зэргийг боловсруулах үйлдвэрүүдийг дэмжиж ажиллана.
7. Импортын ногоог хязгаарлах бодлого боловсруулж, сумын тариаланчдаа дэмжиж баруун бүсийг төмс хүнсний ногоогоор бүрэн хангах зорилт тавин ажиллана.
8. Үр тариа, тэжээлийн ургамал тариалах ажлыг дэмжиж, төмс хүнсний ногоо хадгалах, борлуулах сулжээ бий болгоно.

Зорилт: 4 Нийгмийн хамгааллын талаар

1. Ахмад, хөгжлийн бэрхшээлтэй, өрх толгойлсон зэрэг иргэдийг дэмжиж, нийгмийн харилцаанд идэвхитэй оролцуулж, тэдний эрүүл аюулгүй орчинд амьдрах нөхцөлийг бий болгон ажиллана.
2. Орлого багатай өрхийн нийгмийн хамгаалал, амьжиргааг дээшлүүлэх олон нийтийн оролцоонд түшиглэсэн бодлогыг хэрэгжүүлнэ.
3. Хүүхдийн хөгжил, авьяас, ур чадвар, техник сэтгэлгээ, нийгмийн төлөвшилтийг дэмжихэд эцэг, эхчүүдийн оролцоог нэмэгдүүлнэ.
4. Хүүхдийн эрх, хөгжил, хамгааллын тогтолцоог бэхжүүлж, хүүхэд, гэр бүлд ээлтэй, тэгш боломж бүхий нийгмийн хамгааллын бодлогыг хэрэгжүүлнэ.

Зорилт: 5 Байгаль орчин хамгаалах талаар

1. Булаг шандууд ширгэж усгүй болж байгаа учир малчид, ард иргэдтэй хамтран хамгаалах, мод тарих ажлуудыг зохион байгуулна.
2. Сумын нутаг дэвсгэр дэх хог хаягдалтай тэмцэж ажиллана.

Зорилт: 6 Аялал жуулчлал, амралт сувилалын талаар

1. Орон нутгийн аялал жуулчлалыг дэмжиж ажиллана.
2. Аялал жуулчлал, амралт сувилалыг үйлчилгээний иж бүрэн салбар болгон хөгжүүлнэ.
3. Байгалын сонин тогтоцтой газар, уул ус, ан агнуур, түүх соёл, урлаг зэрэг бүх төрлийн аялал жуулчлал хөгжүүлэхийг дэмжиж ажиллана.
4. Орон нутгийн аялал жуулчлалын чиглэлээр сумын нэгдсэн маршрут гаргах, үзэсгэлэнт газруудаар кино, бичлэг хийлгэнэ.

Зорилт: 7 Гадаад харилцааны талаар

1. Эрүүл мэнд, боловсрол, байгаль орчин, урлаг соёл, мал аж ахуй, газар тариалангийн талаарх гадаад харилцааг улам өргөжүүлж, харилцан хамтран ажиллана.

Зорилт: 8 Нутгийн удирлага, эрх зүйн талаар

1. Төрөөс иргэдэд үзүүлэх үйлчилгээг ил тод нээлттэй болгож, орон нутгийн хариуцлагатай засаглалын төлөөх иргэний оролцоог нэмэгдүүлж, ил тод үүрэгжсэн нийтийн албыг бий болгоно.
2. Газар нутгын маргаантай байгаа хилийн цэсийг холбогдох газруудад уламжлан шийдвэрлүүлэхийн төлөө ажиллана.
3. Байгаль орчин болон малын хулгайтай тэмцэх ажлуудыг Цагдаагийн байгууллага, малчидтай хамтран жил бүр зохион байгуулна.



МӨРИЙН ХӨТӨЛБӨР БОЛОВСРУЛСАН:

A handwritten signature in black ink, appearing to read "М. Кистаувай".

М.КИСТАУВАЙ

УТАС: 99664427